

華陽國志卷第十一

後賢志

聞之善志者述而不作序事者實而不華是以史遷  
之記詳於秦漢班生之書備乎哀平皆以世及事邇  
可得而言也西州自奉聖晉後俊瑋倜儻之士或脩  
德讓行止從時或播功立事羽儀上京策勳王府甄  
名少錄侔於先賢會遇喪亂軋邁華夏顛墜典籍多  
缺族祖武平府君愍其若斯乃操簡接翰拾其遺闕  
然但言三蜀巴漢未列又務在舉善不必矝異揆之  
耆舊竹素宜闡今更撰次損益足銘後觀凡二十人



綴之斯篇雖行故墜沒大較舉其一隅  
衛尉散騎常侍文立廣休

散騎穆穆誠感聖君

西河太守柳隱休然

西河烈烈秉義居真

漢嘉太守司馬勝之興先

漢嘉克讓謙德之倫

郫令州主簿常勗脩業

郫君謇諤自固旅身

江陽太守何隨季業

江陽皎皎命世清淳

梓潼太守王化伯遠

梓潼矜矜在險能平

太子中庶子陳壽承祚

庶子稽古遷固並聲

漢中太守李宓令伯

漢中韙曄才蓋羣生

犍爲太守杜軫超宗

犍爲印印友于寔令

給事中任熙伯遠

給事溫恭尚德茂榮

中書郎王長文德雋

中書淵識寶道韜明

大長秋壽良文淑

長秋忠肅明允篤誠

大司農西城公何攀惠興

司農運籌思侔良平

少府成都威侯李毅允剛

少府果壯文武是經

衡陽內史楊邠岐之

衡陽固節隱然不傾

尚書三州都費立建熙

尚書準繩古之遺直

湘東太守常騫季慎

湘東汜愛仁以接物

武平太守常寬泰恭

武平壘壘冰清玉嶷

揚烈將軍倅潼內史譙登慎明

江陽太守侯馥世明

文立字廣休巴郡臨江人也少遊蜀太學治毛詩三禮兼通群書州刺史費禕命為從事入為尚書郎復辟禕太將軍東曹掾稍遷尚書蜀并于魏梁州建首為別駕從事咸熙元年舉秀才除郎中晉武帝方欲懷納梁益引致隽彥泰始二年拜立濟陰太守武帝立太子以司徒李胤為太傅齊王驃騎為少傅選立為中庶子立上疏曰伏惟皇太子春秋美茂盛德日新始建幼志誕陟大繇猶朝日初暉良寶羅璞侍從之臣宜簡俊又妙選賢彥使視觀則覩禮容棣棣之

則聽納當受嘉話駭耳之言靜應道軌動有所采佐清初陽緝熙天光其任至重聖王詳擇誠非糞朽能可堪任臣聞之人臣之道量力受命其所不諧得以誠聞帝報曰古人稱與田蘇遊非舊德乎立上故蜀大官及盡忠死事者子孫雖仕郡國或有不才同之齊民為劇又上諸葛亮蔣琬費禕等子孫流徙中畿宜見叙用一則以慰巴蜀民之心其次傾東吳士人之望事皆施行十年詔曰太子中庶子立忠貞清實有思理器幹前在濟陰政事修明後事東宮盡輔導之節昔光武平隴蜀皆收其才秀所以援濟殊方仲

敘幽滯也其以立為散騎常侍累辭不許上疏曰臣  
子之心願從疏以求明凡在人情貪從幽以致明斯  
實物性賢愚所同臣者何人能無此懷誠自審量邊  
荒遺燼犬馬老甚非左右機納之器臣雖至愚處之  
何顏詔曰帝伯之職簡才而授何謙虛也立自內侍  
獻可替否多所補納甄致二州人士銓衡平當為士  
彥所宗故蜀尚書掾為程瓊雅有德望素與立至厚  
武帝聞其名以問立立對曰臣至知其人但年垂八  
十尊性謙退無復當時之望不以上聞耳瓊聞之曰  
廣雅可謂不黨矣故吾善夫人也西界獻馬帝問立

馬何如對曰乞問太僕帝每善其恭慎遷衛尉猶兼  
都職中朝服其賢雅為時名卿連上表年老乞求解  
簪還桑梓帝不聽咸寧末卒帝緣立有懷舊性乃送  
葬于蜀使者護喪事郡縣修墳塋當時榮之初安樂  
思世子早沒次子宜嗣而思公立所愛者立亟諫之  
不納及愛子立驕暴二州人士皆欲表廢立止之曰  
彼自暴其一門不及百姓當以先公故得爾也後安  
樂公淫亂無道何攀與上庸太守王崇涪陵太守張  
寅為書諫責稱當思立言凡立章奏集為十篇詩賦  
論頌亦數十篇同郡毛楚楊崇皆有美德楚牂柯守

崇武陵太守

柳隱字休然蜀郡成都人也少與同郡杜植柳仲並知名隱直誠篤亮交友居厚達於從政數從大將軍姜維征伐臨事設計當敵陷陣勇畧冠軍為牙門將巴郡太守騎都尉遷漢中黃金圍督景耀六年魏鎮西將軍鍾會伐蜀入漢川圍戍多下惟隱堅壁不動會別將攻之不能克後主既降以手令勅隱乃詣會晉文帝聞而義之咸熙元年內移河東拜議郎武帝踐祚以為西河太守在官三年以年老去官乞骸還蜀卒於家時年八十長子充連道令次子初舉秀才

杜禎字文然柳仲字雅厚州牧諸葛亮辟為從事禎符節今梁益二州都督仲度支禎子珍字伯重略陽護軍仲漢嘉巴東太守大同後並舉秀才珍子彌字景文仲子純字偉淑有名德幹器舉秀才巴郡宜都建平太守西夷長水校尉巴東監軍

司馬勝之字興先廣漢綿竹人也學通毛詩治三禮清尚虛素性澹不榮利初為郡功曹甚善綱紀之體州辟從事進尚書左選郎徙秘書郎時蜀國州書佐掾與郡功曹參選而從事作臺郎時重察舉雖位經朝要還為少孝亦為郡端右景耀末郡請察孝庶

大同後梁州辟別駕從事舉秀才歷廣都新繁令政  
理尤異以清秀徵為散騎侍郎以宗室禮之終以疾  
辭去職即家拜漢嘉太守候迎盈門固讓不之官閑  
居清靜謙卑自牧常言世人不務求道德而汲汲於  
爵祿若吾者可少以為有餘榮矣訓化鄉閭以恭敬  
為先年六十五卒於家子尊賢佐皆有令德

常勗字脩業蜀郡江原人也祖父員牂柯永昌太守  
父高廟令從父閔漢中廣漢太守勗少與閔子忌齊  
名安貧樂道志篤墳典治毛詩尚書涉洽群籍多所  
通覽州命辟從事入為光祿郎中主事入為尚書左

選郎郡請迎為功曹時州將軍政置從事職典刑  
獄以勗清亮復為督軍治訟平當還察孝廉陳郫令  
為政簡而不煩魏征西將軍鄧艾伐蜀破諸葛瞻於  
綿竹威振西上諸縣長吏或望風降下或委官奔走  
勗獨率吏民固城拒守後主檄令乃詣艾故郫穀帛  
全完刺史袁邵嘉勗志節辟為主簿勗善儀容翔集  
動為表觀言論壯烈州里重之然交友惟賢不交下  
已者汎愛之恩猶不足邵征還道卒 忌字茂通蜀  
勗者黃門侍郎喪親以致孝聞察孝廉為郎使吳稱  
職歷長水參軍什邡維令大同後刺史邵坐治城被

征忌詣洛陳訴遠國初附君民始結不宜改易又表  
脩治城池居安思危邊將常職事皆中情晉文帝時  
為相國辟忌舍人武帝踐祚拜騎都尉除河內令州  
名為難治忌挫折豪勢風教大行縣有姦嫂殺兄者  
群黨蔽匿前令莫得忌皆窮治入為州都方議為郡  
守會卒忌為人信道任數不從下人故為貴勢所不  
善是以作詩著論先攻已短臨喪與樂歡哀俱至為  
士類所稱忌友人廣漢段宗仲亦有學行蜀時官與  
忌比袁邵為上簿與忌共理郡事文帝善之梁州辟  
別駕從事舉秀才稍遷官至雲南建寧太守

何隨字季業蜀郡郫人也漢司空武後世有名德徵  
聘入官隨治韓詩歐陽尚書研精文緯通星曆郡命  
功曹州辟從事光祿郎中主事除安漢令蜀亡去官  
時巴土饑荒所在無穀送吏行乏輒取道側民芋隨  
以綿繫其處使足所取直民視芋見綿相語曰聞何  
安漢清廉行過從者無糧必能爾耳持綿追還之終  
不受因為語曰安漢吏取糧令為之償察孝廉大同  
後臺召不詣除河間王郎中令不就居貧固儉衣弊  
屨食苦躬耕晡夕脩講諷鄉族饋及禮厚皆不納日  
不視色口不語利著譚言十篇論道德仁讓常有屠



牽猪過隨門猪索斷失之強認溷中猪隨便牽猪與之屠人出門尋得其所亡猪謝隨還猪遂以包之有家養竹園人盜其笋隨遇行見之恐盜者覺怖走竹中傷其手足擊屐徐步而歸其仁如此太康中即家拜江陽太守民思其政年七十一卒官後州鄉人言議平當者皆相謂何江陽至于汶山夷有正直廉讓者亦號夷中何江陽杜景文何興仁皆為作傳長子觀字巨忠清公淑慎知名州里察孝廉西都南安令平西長史張昌作亂荊州從黨西上郡守無不望風降下至江陽平西將軍羅尚表為安遠護軍討賊

平除巴郡太守朝議欲以為寧州刺史會病卒次子遊治中從事隨時同郡繁令張崇清廉推讓見稱當時

王化字伯遠廣漢郫人也漢將作大匠王堂後也和

分商字文表州牧劉璋時為蜀太守有懿德高名在

著舊傳父彭字仲巴郡太守化兄弟四人少有令

望化治毛詩三禮春秋公羊傳郡命功曹州辟從事

光祿郎中上事尚書郎除關中令為政清靜察孝廉

後復端右郡察孝廉為樂涇令按晉書樂涇縣名屬酒泉郡

縣近漢中胡虜反化率吏民積穀堅守虜斷道重

圍孤絕七年伺虜怠惰出軍討之民得野掠大軍至虜退以功封關內侯遷朱提太守撫和殊俗得夷肆懽心轉在梓潼復有稱績為人謹重言論方雅滅否乞衷州里服其誠亮年七十二卒官弟振字仲遠亦有德望廣都令巴東太守叔弟岱字季遠恪居官次歷廣陽作唐令早亡少弟崇字幼遠學業淵博雅性洪粹蜀時東觀郎大同後梁州辟別駕別舉秀才尚書郎與壽良李宓陳壽李驤杜烈同入京洛為二州標雋五子情好未必能終惟崇獨以寬和無所彼此著蜀書及詩賦之屬數十篇其書與陳壽頗不同官

至正清動解太守

陳壽字承祚巴西安漢人也少受學於散騎常侍譙周治尚書三傳銳精史漢聰敏識屬文富豔初應州令衛將軍主簿東觀秘書郎散騎黃門侍郎大同後察孝廉為本郡中正益部自建武後蜀郡鄭伯邑太守趙彥信及漢中陳中伯祝元靈廣漢王文表皆以博學洽聞作巴蜀耆舊傳壽以為不足經遠乃并巴漢撰為益部耆舊傳十篇散騎常侍文立表呈其傳武帝善之再為著作郎吳平後壽乃鳩合三國史著魏吳蜀三書六十五篇號三國志又著古國志五

十篇品藻典雅中書監荀勗令張華深愛之以班固  
 史遷不足方也出為平陽侯相華又表令次定諸葛  
 亮故事集為二十四篇時壽良亦集故頗不同復入  
 為著作鎮南將軍杜預表為散騎侍郎詔曰作適用  
 蜀人壽良具員且可以為侍御史上官司論七篇依  
 據典故議所因革又上釋諱廣國論華表令兼中書  
 郎而壽魏志有失勗意勗不欲其處內表為長廣太  
 守繼母遺令不附葬以是見譏數歲除太子中庶子  
 太子傅從後再兼散騎常侍惠帝謂司空張華曰壽  
 才宜真不足久無也華表欲登九卿會受誅忠賢排

擢壽遂卒洛下位望不充其才當時寃之  
 字長任亦有文才繼壽著作佐郎上無令符第淮字  
 叔度梁州別駕驃騎將軍齊王辟掾卒洛下  
 淮從  
 帝階字達之州主簿察孝廉襲中令永昌西部都尉  
 建寧與古太守階辭章繁麗馳名當世凡壽所述作  
 二百餘篇符淮階各數十篇二州先達及華夏文士  
 多為作傳大較如此時梓潼李驤叔龍亦隸逸器知  
 名當世舉秀才尚書郎拜建平太守以疾辭不就意  
 在州里除廣漢太守初與壽齊望又相暱友後與壽  
 情好相誼相誣攻有識以是短之亦自別傳

李宓字令伯犍為武陽人也祖父光朱提太守父早  
亡母何史行見養祖母治春秋左傳博覽五經多所  
通涉機密辯捷辭義響起事祖母以孝聞其侍疾則  
泣涕側息日夜不解帶饌飲湯藥必過日嘗口本郡  
禮命不應州辟從事尚書郎大將軍主簿太子洗馬  
奉使聘吳吳主問蜀馬多少對曰官用有餘民間自  
足吳主與群臣汎論道義謂寧為人弟必曰願為仁  
兄吳主及群臣稱之大同後征西將軍鄧艾聞其名  
請為主簿及書招欲與相見皆不往以祖母年老心  
在色養拒州郡之命獨講學立旌授生武帝立太子

徵為洗馬詔書累下郡縣相逼宓上疏疏在本傳武帝覽  
之曰宓不空有名也嘉其誠款賜奴婢二人下郡縣  
供其祖母奉饌徙尚書郎河內溫令敷德陳教政化  
嚴明太傅鉅平侯羊公薨無子帝令宗子為世子嗣  
之不時赴喪宓遣戶曹齋移榼遣之中山諸王每  
過溫縣必責求供給吏民患之宓至中山王過縣徵  
芻菜薪蒸宓引高祖過沛濱老幼桑梓之供一無煩  
費伏惟明王孝思惟則動職先戒本國望風式歎且  
舞誅求煩碎所未聞命後諸王過不敢煩溫縣盜賊  
發河內餘縣不收近溫追賊者不敢經界隴西王司



肯出官軫進曰征西因執鎮西在近必有所遣軍亂  
 之際交害無常宜避正殿府署即出住下舍會果遣  
 參軍牽弘為太守數百騎擐甲馳馬入郡前駢問侯  
 所在云已出善之按本傳弘問軫所在軫正色對曰  
侯君弘復召為功曹察孝廉除建寧令徙任山陽  
 新城池陽所在有治入為尚書郎每升降趨翔廊閣  
 之下威容可觀中朝偉之遷健為太守惠愛在民還  
 為州大中正軫既才學兼該而器量侷武帝雅識  
 之方用內侍會年時年五十八禹烈字仲武貞幹  
與弟仲武和粹名譽侔軫察孝廉歷平康牛鞞南鄭

安陽令王國建首選為郎中令遷衡陽太守兄軫喪  
 自上求去官以兄子幼弱軫喪飄飄欲扶將靈柩葬  
 舊墳武帝歎惜軫能用未盡而嘉烈弟意轉拜徙官  
 健為太守又轉湘東少弟良字幼論亦有當世局  
 分舉秀才茶陵新都令國王郎中令遷涪陵建寧太  
 守兄弟並興利里以為美譚軫二子長子毗字長  
 基少子秀字彥穎珪璋琬琰世號二鳳毗舉秀才大  
 將軍辟掾太傅參軍平東長史尚書郎稍遷鎮南軍  
 司益州刺史主簿早卒  
 任熙字伯遠蜀郡成都人也漢大司農任昉後也世

有德彥父元宇秀明捷為太守執金吾熙治毛詩京  
易博通五經事親至孝居喪毀瘠為州鄉所稱察孝  
廉除南鄭令以病去官復授南鄭不就轉梓潼令為  
政清淨辭疾告歸勤農力穡居室致給循訓闔門內  
則可法博愛以謙恭接物開門待賓傾懷下士客無  
長幼必有供饌清談遊講不妄失言祇慎著聞太康  
中除越雋護軍非其雅好不往徵給事中熙以侍臣  
日月左右贊暉揚光不可苟私終以疾辭而蜀郡令  
每至官為之脩謁歲致羊酒即家拜朱提太守固讓  
不之官好述作詩誄論難皆燦豔年六十九卒於家

丁蕃字惠和察孝廉折都令西夷司馬涪陵太守蕃  
子迪字叔孤少與世西蕃世俱知名而學業優之早  
歿庶同時贊勳幼弟教宗弟述訓宗各以德行稱同  
察孝廉彭此蘇令甘露降其縣涪滇池令殊俗懷其  
德

王長文字惠馮

按本傳

廣漢郫人也父顯字伯元捷

為太守長又天姿聰警高暢敏識治五經博綜群籍

特冠州三辟書佐丁時表亂計疾歸家大同後郡功

曹察孝廉不就遂陽思嘗看絳衣絳帽率猪過市中

乞人與語偽不聞常騎牛周旋郡守至詰門脩敬至

間走出請終不還刺史淮南胡罷辟從事祭酒卧在  
治歷出板舉秀才長文陽發狂疾步擔走出門罷累  
遣教請還終不顧還家養母獨講學著無名子十二  
篇依則論語又著通經四篇亦有卦名擬易玄以為  
春秋三傳傳經不同每生訟議乃據經撫傳著春秋  
三傳十二篇又撰約禮記除煩舉要凡十篇皆行於  
時長文才鑒清妙沉愛廣納放蕩闊達不以細宜廉  
分為意亦不好臧否人物故時人愛而敬之以母欲  
祿養咸寧中領蜀郡太守耶有孝子羅偶事親至孝  
二親將亡時病不能食肉終身不食肉郡察孝廉長

文追為立表以旌之宰府辟三司及撫軍大將軍王  
潛累辟不詣潛薨以故州將軍吊祭元康初試守江  
原令縣收得盜賊長文引見誘慰時適臘晦皆遣歸  
家獄先有繫囚亦遣之謂曰教化不厚使汝等如此  
長史之過也蜡節慶賞宜就汝歸上下善相懽樂過  
節未還當為思他理群吏惶遽爭請不許尋有赦令  
無不感恩所宥人輟不為惡曰不敢負王君將喪夫  
官民思其政大將軍梁王彤及諸府並辟長文曰吾  
從其先命者遂應彤招為從事中書郎諸王公卿慕  
其名咸與之交賈氏之誅從彤有功封關內侯冉為



中書郎愍懷太子死於許下博士中書論虞祔之禮  
長文議虞祭宜還東宮以繼太子者為主配食於顛  
川府君皆施行除洛陽令長文見彤曰主者不庶幾  
長文為洛陽令彤笑答曰卿乃不庶幾非主者也  
固辭不拜聞益州亂以通經筮得老蠶緣枯桑之卦  
歎曰桑無葉蠶以卒也吾蜀人歿於是矣拜蜀郡太  
守暴疾卒時年六十四長文時人蜀郡擲筮任興亦  
博學著聞俱為州別駕筮在右職公亮蹇蹇刺史盛  
怒欲殺人群下請不聽筮乃懷縛徑入頓凡上乃極  
陳其刑理刺史從謝還縛關皆早亡

中書郎愍懷太子死於許下博士中書論虞祔之禮  
長文議虞祭宜還東宮以繼太子者為主配食於顛  
川府君皆施行除洛陽令長文見彤曰主者不庶幾  
長文為洛陽令彤笑答曰卿乃不庶幾非主者也  
固辭不拜聞益州亂以通經筮得老蠶緣枯桑之卦  
歎曰桑無葉蠶以卒也吾蜀人歿於是矣拜蜀郡太  
守暴疾卒時年六十四長文時人蜀郡擲筮任興亦  
博學著聞俱為州別駕筮在右職公亮蹇蹇刺史盛  
怒欲殺人群下請不聽筮乃懷縛徑入頓凡上乃極  
陳其刑理刺史從謝還縛關皆早亡



同盟國家所重加曩日失策江陵思有夙駕且與相聞此一助也潘曰何但羊叔子亦宋元亮為優君至洛官家未有舉意便前至襄陽與羊宋論之攀既至洛拜表獻策因至荊州與刺史宋庭論宋未許乃見羊祐累日共畫用兵之要攀曰若令循清海以趣京口壽春揚州直指秣陵交豫踰海並據桑浦則武昌以東會稽以西騷然駭矣荊州平南徑造夏口巴東諸軍固守西陵益梁之衆身浮江東下封樂鄉要巴丘則武陵零桂長沙湘東從風而靡矣但明信賞首尾俱會旌旗耀天四面雲合乘勝席卷傳檄南極吳

會不盡平者未之有也羊祐大悅遂表請伐吳尋徵潘大司農至晉壽詔以潘為龍驤將軍除攀郎中參藩軍事攀頻奉使詣洛時未婚司空裴公奇其才以女妻之五年秋攀使在洛安東將軍王渾表孫皓欲北上邊戍警戒朝議征伐必須六年攀上疏策皓必不敢出宜因今戒嚴掩取甚易中書令張華命宿下舍設諸難攀皆通之又潘性在忠烈受命必果宜重其位號詔書遷潘平東將軍督二州事吳平封關內侯潘入拜輔國攀為司馬上論時務五篇除滎陽令進廷尉評有盜開城門下關者法據大辟攀駁之曰

上關執信之主下關儲備之物設有開上關何以加刑遂減死多所議讞遷散騎侍郎太傅楊駿謀逆請衆官攀與侍中傅祗侍郎王愷等往惠帝從楚王瑋殿中中郎孟觀策戒嚴誅駿駿外已匆匆攀與祗踰墻得出侍天子天子以為翊軍校尉領熊渠兵一戰斬駿往稷用安封西城公邑萬戶策曰於戲在昔先王光濟厥世罔不開國列土建德表功也故逆臣楊駿謀危社稷構兵飛矢集于殿庭白刃交於宮闈攀受命奮討凶逆速殄忠烈果毅朕甚嘉焉今以魏興之西城為攀封國錫茲玄社直以白茅永為晉藩輔

往欽哉敬乃有上惠康黎元無或以隳爾顯烈又賞綸萬是攀固辭受五千死又賜拜弟逢平鄉侯兄子夔關內侯位皆內史不就轉東羌校尉西虜寇邊遣長史楊威討之遣攀持受失利徵還領越騎校尉武庫六百官皆赴火攀獨以兵衛宮復賞綸五百死領河南戶選揚州刺史假節在官數年德教敷宣征虜將軍石崇表東南有兵氣不宜用遠人徵拜大司農兼兗州都督表以彼處遠在千里量人物讓都督於任無費絹不聽遣使問計又錫寶劍赤馬固辭不之官時帝室政喪多害慮在人諸王迭起好結黨

徒攀闔門治疾不與世務朝議欲以為公會薨時年  
 五十七天子嗟悼追贈司農卿綬謚曰栢公遺令勅  
 世子務行恭儉引荀公曾諸葛德林為模範子璋嗣  
 李毅字允剛廣漢郡人也祖父朝字偉南州別駕從  
 事父世字欽宗光祿郎中主事毅少散達不治素檢  
 年二十餘乃詣郡文學受業通詩禮訓詁為學主事  
 太守弘農王濬臨學講試問祭酒姬艷曰學中有可  
 成進幾百人艷對曰可有百人濬怒曰童冠八百而  
 成者百人教少何為毅對曰如艷之言明府之教盛  
 矣孔氏不為少也濬竒之命為主簿濬常夢得三口

刃人刃禾蓋之手持不得以問郡丞與掾史莫能知  
 殺對曰吉祥也三刀者州守而蓋之禾持不得禾傍  
 失者秩字明育秩當至蓋州濬笑曰如卿言當相以  
 為秀才張弘毅蓋州刺史皇甫晏誣表晏反毅白濬  
 曰皇甫侯起自諸生位極方州久當何求且廣漢與  
 成都家世而統梁州者矜蓋州之領須防在今日也  
 蓋州有勳乃此郡之愛加張弘小堅衆所不與且時  
 赴討濬欲先上後行殺曰大夫出疆苟利社稷專之  
 為賢何況殺主賊急當不拘常宜濬從之發兵與牙  
 門滿泰等共討弘斬之詔書遷濬蓋州刺史毅復為

州主簿別駕舉秀才及濬伐吳與何攀並為參軍吳  
平封關內侯除隴西護軍以疾去官徙繁令遷雲南  
太守濬臨薨上表後武帝思濬動問毅所在徙捷為  
使持節南夷校尉久之捷為民毛詵李叡與朱提氏  
李猛共逐太守杜俊雍約以叛衆數萬毅討破之斬  
詵猛首叡走依五茶夷亦叛晉朝復置寧州以毅為  
刺史加龍驤將軍封成都內侯夷遂大反破沒郡縣  
攻圍州城中原亂而李雄冠蜀救援不至疾病薨於  
窮城懷帝嘉其忠節追贈少府謚曰威侯毅性通博  
居情雅厚賑卹寒貧篤於故舊人咸愛歸之但好談

德量猶少從弟苾字叔平脩身砥礪名行數諫  
正自矜嚴毅笑應之曰吾小來不治名素終杖旌節  
故可至九卿卿清儉履道卒不失成都令也時毅始  
受南夷而苾歷城令果作成都遷捷為太守位官不  
及毅毅子釗世秉儒學有格望以父任為謁者除壽  
林侯相不就為尚書外兵郎自表赴難至牂牁夷斷  
道不得進經年以寧州城中無毅父疾病未知吉凶  
毅惟茹草迄至奔喪官至朱提越雋太守西夷  
校尉毅女秀適漢嘉太守新都王載有才智父亡後  
州又武推領州三年二州當太清中位至方州節將

齊壽良何攀及毅永嘉中巴張奕希祖為荊州刺史  
南蠻長水校尉蜀郡張峻紹茂為監南中八部事西  
夷校尉持節事

楊邠字岐之犍為武陽人也少好學志古澡厲名行  
州辟主簿別駕刺史王濬舉秀才安漢雒令國王中  
尉以選為尚書郎遷汶山太守值夷復讐失誅俗和  
徙授巴東轉廣漢永嘉初進衡陽內史遇流民叛亂  
攻沒長沙湘東邠輒救助賊衆侵盛遂破郡城獲邠  
欲以為主邠不許賊晝夜執守邠候其小怠夜急走  
北覺已去遠收餘衆軍重安欲授邠州刺史邠逃共

進取會降賊邠孤軍固城賊攻圍之誓死不移  
遂卒城中時年六十九帝為鎮東大將軍嘉其忠節  
死義遣使弔贈策曰惟永嘉七年四月己未使持節  
都督江陽諸軍事鎮東大將軍瑯琊王濬謹遣板命  
前衡陽內史楊君忠肅貞固守正不移雖危逼節義  
可嘉不幸殞卒孤城甚悼之今列上尚書贈君淮南  
內史魂而有靈嘉茲寵榮嗚呼哀哉邠同郡楊稷文  
曹泰始初為交阯太守平九真鬱林日南四郡斬吳  
交州刺史劉俊大將軍脩則武帝方授交州會孫皓  
遣大將軍薛琚陶璜十萬人攻稷被攻八月救援不

至衆寡不敵遂為珣璜所獲囚穉欲送皓穉歐血死  
帝嘉其忠烈歿命追贈交州刺史也

費立字建熙犍為南安人也父楫字君讓巴西太守  
立學義冲邃玄靜沉嘿察孝廉王國中尉王年少好  
輕行遊觀立常正色匡諫及上疏風喻辭義剴切合  
箴規之體出為成都令縣名難治立蒞之垂績以性  
公亮入為州大中正除巴西太守不就轉梁益寧三  
州都督兼尚書值大駕西幸長安常與大臣居守在  
洛加負外散騎常侍封關內侯每准正三州人物品  
格棄貶帥意方規無復疏親莫不畏敬然委曲者多

其繩墨數辭諸郡意在河秦汝穎久之朝議欲以  
為荊州末嘉六年與子并沒于胡寇立時漢國呂毅  
叔偉德以清彥辟別舉秀才尚書郎秦國內史長水  
校尉負外常侍梁州都督與立同沒胡寇

常纂字季慎蜀郡江原人也祖父竺字代文南廣太  
守父偉字公然閬中令纂治毛詩三禮以清尚  
知名用辟都從事主簿郡請功曹察孝廉萍鄉令以  
清為尚書侍郎出為綿竹令國王歸之復入為郎中  
將軍以首收襄觀中原不靜固辭去官拜新都內史



時蜀亂民皆流在荆湘從湘東太守疾病未拜卒年六十八騫性泛愛敦敬友宗族當官脩理恕以撫物好咨問動必謙讓州鄉以為儀範二州清官見述者先有宜都太守犍為唐定義葉隴西太守巴西馮介休翊而後騫云

常覽字泰恭騫族弟郫令勗弟子也父廓字敬業以明經著稱早亡闔門廣學治毛詩三禮春秋尚書尤就意大易博涉史漢疆識多聞而謙虛清素與俗殊務郡命功曹及察孝廉不就州辟主簿別駕舉刺史唯尚秀才為侍御史除繁令隨民安縣零陵以舉將

喪去官湘州叛亂乃南入交州交州刺史陶咸表為長史固辭不之職雖流離交城衣弊裋袍冠皮冠乘牛往來獨鳩合經籍研精著述依孟揚宗盧師矩著典言五篇撰蜀後志及後賢傳續陳壽耆舊作梁益篇元帝踐祚嘉其德行潔白拜武平太守民悅其政以榮貴非志在官三年去職尋梁碩作亂得免難卒於交州凡所著述詩賦論議二十餘篇子長生字彭祖亦有學行州上簿資中令治中從事早亡時蜀郡太守巴西黃容亦好述作著家訓梁州巴西紀姓族左傳抄凡數十篇漢嘉太守蜀郡杜龔敬脩亦著蜀後

志及志趙厥李特叛亂之事及喪紀禮式後生有取焉

譙登字慎明巴西西充國人譙周孫也仲父熙察孝廉本郡大中正沔陽令叔父同字彥紹少知名拒州郡之命梁州刺史壽良與東羗校尉何攀貢之三司及大將軍幕府為尚書郎除錫令亦有為作傳者登少以公亮義烈聞郡命功曹州辟主簿別駕從事領陰平太守郡五官素大姓豪擅侵凌羗晉登誅之郡中皆肅後以李特作亂本郡沒寇父為李雄巴西太守馬晚所殺乃東詣鎮南劉公請兵時中原亂守公

登少與巴西太守同字彥紹少知名拒州郡之命梁州刺史壽良與東羗校尉何攀貢之三司及大將軍幕府為尚書郎除錫令亦有為作傳者登少以公亮義烈聞郡命功曹州辟主簿別駕從事領陰平太守郡五官素大姓豪擅侵凌羗晉登誅之郡中皆肅後以李特作亂本郡沒寇父為李雄巴西太守馬晚所殺乃東詣鎮南劉公請兵時中原亂守公

是故遣將張順楊顯救登至墊江素禹害顯還雄知  
 登之食遣驥致攻兵窮士餓誓死不返衆亦餓死而  
 無去者未幾三年為驥所生得與登致雄言辭慷慨  
 涕泣欷歔無服降臣折情雄乃殺之囚其軍士皆以  
 為奴賣昇兵士而連陰兩百餘日雄中以登為枉而  
 所領無辜怒氣感天下救出登軍士湮沒者初尚之  
 在成都也與雄攻戰郫令捷為張昕欽明每摧破雄  
 雄衆戰之而救助不能并心為雄所殺雄常言羅尚  
 將均如張昕輩吾城早無遺矣時牙門左氾亦有戰  
 功尚不能益其兵救氾志恨以母喪歸尚累召不往

氾怒曰微左氾當不滅賊乎遂殺之雄聞氾死大小  
 相賀登同郡縣李高亦有武幹平吳時與牙門將處  
 獲孫皓封縣侯官至金城鴈門太守  
 漢馥字世明江陽人也察孝廉平西參軍 薨後巴  
 郡亂避地入牂牁寧州刺史王遜鎮平西將軍復取  
 參軍遜議欲遷牂牁太守謝恕為涪陵太守出屯  
 巴郡之把口表馥為江陽太守往江陽之泚源撫卹  
 蠻獠克復江陵請通長江雄征東大將軍李恭已在  
 涪陽馥招降夷獠脩繕舟艦為進取計預白遜請軍  
 務恕俱出涪陵不能自前恭舉衆攻馥衆寡不敵為

恭所破獲生虜馘送雄雄下廷尉責曰事君有死無  
二其次破家與國今縱不死又無益國及沒其分守  
心而已無他顧望雄必欲屈之使馘同郡人張迎曉  
喻之馘怒罵迎曰吾等國亡不能存大難不能死伍  
眉海內何面目相見也且王寧州治亂才也以吾有  
桑梓之耻故遠上尚書遣吾討賊受命之日實忘寢  
食但裁舡未辦請軍未至牽揣不及為他所先當滅  
身隕碎以謝不及冀上不負日月下不愧王侯吾豈  
苟生如鄉兒女之人乎迎還白雄雄義而赦之時雄  
沒也所獲犍為太守建寧魏紀漢國太守梓潼文琰

巴郡太守巴西黃龕涪陵太守巴西趙弼永昌謝俊  
并柯文猛皆區區稽顙無如馘者數年卒

譔曰文王多士才不同用孔門七十冊術百行殊塗  
貴於一 致若斯諸子或挺珪璋之質或苞瑚璉之器  
或耽儒墨之業或韜王佐之略潛則泥蟠躍則龍飛  
揮翻揚芳流光遐紀實西上之珍彥聖晉之多士也  
徒以生處限外服膺日淺負荷榮顯未克其能假使  
植幹華宇振條神區德行自有長短然三趙兩李張  
何之軌其有及之者乎譙登侯馘忠規奮烈美志不  
遂哀哉

五公

司空何武

司空趙戒

太尉趙謙

司徒趙溫

司空張皓

華陽國志卷第十一